

宋 遼 交 聘 考

聶 崇 岐

燕京學報第二十七期單行本

燕京大學哈佛燕京學社出版

民國二十九年六月

宋遼¹交聘考

聶 崇 岐

宋遼對峙百六十五年。初未嘗不欲相吞噬也，而力皆未能，不得不互戢野心，通和訂盟以相安。於是國君序昆仲，信使通往還，甲子兩周，疆場無警，邦交之輯睦久長，在我國史冊中，直無一例可與比擬。而其周旋聘問之儀，揖讓進退之節，較之各朝尤多創舉，制度規程頗有可述。爰參稽衆作，²連綴成篇，用窺一時禮文之梗概。

一 宋遼之邦交

宋太祖初立，日從事吞併割據諸邦，無暇北顧；而遼當穆景二宗相繼在位，國勢中衰，胡馬亦無力南侵；故兩朝僅小有爭擾，並無大戰。如是者十六年，乃有通和之舉。

初，宋太祖開寶七年（即遼景宗保寧六年），十一月，遼涿州刺史

1. 遼之國號，前後數易，今依遼史命名之例，除引用文字照原文稱爲契丹外，餘一律稱之爲遼。
2. 遼人著述少，佚失又多，今所餘之一鱗半爪，多無助於研究宋遼交聘之事，故取材半屬宋人文集筆記。惟宋遼平等互待，一切聘問禮文，大致相仿，由宋之如何待遼，即可窺遼之如何待宋；是以雖無遼人著述爲依據，亦無大礙也。宋神哲二宗時，曾相繼有華戎魯衛信錄之纂輯，於兩朝交聘一切儀文，載之綦詳。曾肇曲阜集（豫章叢書本）4/28b贈司空蘇公墓誌銘及李燾續資治通鑑長編（光緒七年浙江書局刻本）507/15a皆述華戎魯衛信錄編製經過；惜書早已佚失，不得依據矣。

耶律琮致書宋知雄州孫全興曰：³

琮濫受君恩，猥當邊任。臣無交於境外，言則非宜；事有利於國家，專之亦可。切思南北兩地，古今所同，曷常不世載歡盟，時通贊幣。往者晉氏後主，政出多門，惑彼疆臣，亡我大義；干戈以之，日用，生靈於是罹災。今茲兩朝，本無纖隙。若或交馳一介之使，顯布二君之心，用息疲民，重修舊好，長爲與國，不亦休哉！琮以甚微，敢干斯義；遠希通悟，洞垂鑒詳。

全興以聞。太祖命答書許和。於是翌年三月，遼先遣克妙骨慎思⁴使宋；繼於七月，宋亦遣郝崇信呂端使遼；是爲兩朝正式通聘之始。第僅四載而邦交裂。

宋太宗太平興國四年（即遼景宗乾亨元年），五月，滅北漢——北漢，遼向視爲屏蔽者也。故於太宗出師之際，即遣使相質問；迨太原攻圍之頃，又遣兵相牽掣。太宗久有意於燕雲，今以

3. 宋會要稿（民國二十五年北平圖書館影印本）196/1/2a. 遼史（民國五年上海涵芬樓影印本）8/4a云：保寧六年‘三月，宋遣使請和，以涿州刺史耶律昌胤加侍中與宋議和。七年春正月甲戌，宋遣使來賀。’講和之議，據宋會要稿所言（續資治通鑑長編等書所述同）似發動自遼，而據遼史所言又似發動自宋。惟據耶律琮致孫全興書辭，此議之動自遼，可能性較大。講和當先遣使互聘，然後方能及於賀正之事。今遼史於宋遣使請和，派人與之議和下，未書交換聘使，即書正月宋使來賀，於理殊有不合。此蓋遼人飾辭，元修遼史因之未改耳。又耶律琮，遼史作耶律昌胤。蓋‘昌胤’爲在其本國之名，而‘琮’則係用於對外官書上之名。此例甚多，可於後附之國信使副表中見之。

4. 此據宋會要稿 196/1/2b. 宋史（民國五年上海涵芬樓影印本）3/7a，‘妙’誤作‘沙’，續資治通鑑長編 16/4b，浙江書局刻時改‘克妙骨慎思’爲‘克卜茂固舒蘇’；而遼史 8/4b作‘耶律矧思’，則又在其國內所用之譯名也。

遼公然援敵，有所藉口，遂於太原陷後移師東下。降涿易，逼幽州；城幾破矣，而遼將耶律休哥以鐵騎至。高粱河一戰，宋師大敗。遼人乘勢進犯，緣邊州軍因少寧日。

翌年三月，遼攻雁門，爲宋所敗。十月，又攻瓦橋，大掠而歸。越二年，遼景宗崩，聖宗立，年幼，宋以有機可乘，遂棄數年來之防禦策略而取攻勢。

雍熙三年（即遼聖宗統和四年），三月，太宗遣將分道北犯。曹彬克新城涿州，田重進降飛狐靈丘，潘美下寰朔雲應。嗣彬以糧盡退師，爲遼所蹙，敗於岐溝。潘美所獲諸城，亦不能守，驍將楊業且於是役捐軀焉。

其年十一月，遼亦分道南侵：西攻代州，爲張齊賢所敗；東由太后蕭氏統率，大破宋將劉廷讓於君子館。游騎四出，擾及邢德，魏博以北，胥遭蹂躪。宋以遼勢尙不可侮，遂又改攻爲守，飭吏固邊。此後十餘年，遼數次南侵，西自府谷，東迄淄齊，咸受其禍。至眞宗景德元年（統和二十二年）兩國乃復通和。

先是，咸平二年（統和十七年），十月，眞宗以遼師深入，親禦之於大名。迨景德元年九月，遼聖宗及太后蕭氏又大舉南下，駐蹕陽城淀。眞宗用寇準計，北幸澶州，以壯軍勢。時兩國失和已二十五年矣，遼人雖頗有所獲，顧得不償失，而太后年老，亦厭兵革。宋降將王繼忠窺其隱，動以通和之利。遼帝頗是其言，遂遣人遺書宋莫州守將石普。普以聞於朝。宋乃先遣曹利用詣遼軍，遼繼遣韓杞至宋營，往反措商，訂約如下：⁵

- 一、宋歲助遼‘軍費’銀十萬兩，絹二十萬匹，於白溝交割；

5. 葉隆禮契丹國志（嘉慶二年掃葉山房刻本）20/2a 澶淵誓書。

二、兩朝交界城池可依舊保存修葺，惟不得新有創築；

三、盜賊遁逃，彼此無得停匿。

並約宋帝以叔母禮事遼太后，遼帝以兄禮事宋帝。⁶是即所謂澶淵之盟。

此後，兩朝慶弔互通，星輶相屬者百十八年。雖仁宗慶曆二年（即遼興宗重熙十一年）宋以遼人威脅，歲幣銀絹各增十萬；神宗熙寧八年（即遼道宗大康元年），宋以遼人之請，河東失地七百餘里；但大體而言，雙方尚屬相安。迨徽宗宣和四年（即遼天祚皇帝保大二年），宋人敗盟，兩朝邦交，乃復破裂。

宋之歲遺遼以鉅額金帛，本非甘心，而燕雲收復，又爲一般士大夫所難忘。洎徽宗政和四年（即遼天祚皇帝天慶四年），女真崛起，遼師屢敗，於是宋與金訂海上之盟，對遼起夾攻之議，因於宣和四年，出師北伐，冀消素恨，而復土疆。越二年而遼亡。惟又二年，宋亦因女真之逼，幾隕社稷焉。⁷

綜一百六十五年中，兩朝和平時期爲百二十二年，其失和者僅四十三年而已。

二 使節之選派

1. 使節之名目

宋遼初和，即通慶弔；澶淵盟後，信使益頻。準其任務，蓋有下

6. 遼史14/6a. 按一般著述，除遼史外，皆祇謂遼以兄禮事宋。一似宋雖年損二十萬金帛，但得獲‘兄’之地位，亦未始不足以自豪。實則不盡然。當訂約時，遼太后蕭氏實操大柄，遼聖宗雖以兄禮事宋真宗，而真宗則須以叔母禮事遼太后，此由後日國書中可以窺知，非遼史故爲飾詞也。
7. 本章除加註者外，大致取材於陳邦瞻宋史紀事本末（光緒二十四年湖南思賢書局刊五朝紀事本末本），卷十三及二十一。

列十二種：

1. 賀鄰邦皇太后、皇帝、或皇后正旦者、曰賀正旦國信使，簡稱正旦使，或賀正使；
2. 賀鄰邦皇太后、皇帝、或皇后生辰者、曰賀生辰國信使，簡稱生辰使；
3. 以本朝皇太后或皇帝崩逝告鄰邦者、曰告哀使；
4. 以本朝大行皇太后或皇帝遺留物餽遺鄰邦者、曰遺留禮信使，或稱遺留國信使，簡稱遺留使；
5. 以本朝新皇帝即位告於鄰邦者、曰皇帝登寶位國信使，簡稱告登位使；
6. 奠祭鄰邦大行皇太后或皇帝者、曰祭奠國信使，簡稱祭奠使；
7. 弔慰鄰邦皇太后或皇帝者、曰弔慰國信使，簡稱弔慰使；
8. 賀鄰邦新皇帝登位者、曰賀登位國信使，簡稱賀登位使；
9. 賀鄰邦皇太后受冊者、曰賀冊禮國信使，簡稱賀冊禮使；
10. 答謝鄰邦弔賀者、曰回謝禮信使，簡稱回謝使；
11. 普通聘問、或有所報告要求於鄰邦者、曰國信使，俗稱泛使；
12. 答聘、或因鄰邦請求而遣人有所磋商者、曰答謝國信使，亦稱回謝使。

正旦生辰二使皆每年互遣，泛使則無定期，餘皆因事選派，亦無固定年月。又告哀僅遣一使，泛使亦有時與之同，其他則有

正有副，而正使通稱大使。又使皆有隨員以助瑣事，依其職位分上、中、下三等，是爲三節人從，約在百人之數。⁸ 今將兩朝所遣使副姓名官位，就所知者，分列四表，附於篇末，用便參考。

2. 使副之選擇

宋遣國信使副，例由中書樞密會同審擇，進名請旨。惟間不遵彝典：或聽臣下妄自陳乞，或由內廷徇私點派；致韓琦嘗有斷禁干求出使之請，張方平亦上遣使勿從內降之奏。⁹ 但由後附四表觀之，宋之大使，大半皆知名士，且多傳於宋史，可知當時並非完全不加選擇；特副使中似頗有勳戚子弟濫竽充數者，故皇祐元年御史陳旭奏曰：¹⁰

比歲入國副使，多不擇人，或緣內降指揮。魏公佐前

入國爲上節，今乃爲副使，恐取輕敵國。……

蓋奉使出疆，所獲賞賜不少。大使職責綦重，擇人不敢不慎；副使任務較輕，或難免有徇情之舉，俾恩倖得與霑利益乎？

遼之遣使，審擇司於何人，文獻無徵，難明究竟。惟其政治組織，尙多沿襲部族舊規，大權所在，不出帝室后族，故所遣使節，僅副使爲庶姓臣僚，大使則皆耶律及蕭兩氏，此由後附四表，可以窺知。至選擇專對之材，似亦頗加審慎，是以宋仁宗讚之，有‘遼所遣使來奉中朝皆能謹恪’¹¹之語，而路振亦謂遼自

8. 續資治通鑑長編 64/8b.

9. 同上，123/7b，‘寶元二年三月壬子，‘韓琦言：乞國信使副委中書樞密選擇進名，若有臣僚輒敢陳乞，望賜嚴斷’，從之’。張方平樂全集（四庫全書珍本初集）21/13b，‘朝廷…比來遣使，多出恩澤…徇臣下之小利，輕國家之大計，…伏乞此後…審擇’。

10. 續資治通鑑長編 167/5a.

11. 同上 64/9a.

‘通好已來，歲選人材尤異聰敏知文史者以備南使’¹²也。

3. 使副之官位

國信使副，例爲一文一武。惟遼亦有時俱以武臣充選，如統和二十四年，聖宗所遣賀宋正旦使耶律信寧爲廣德軍節度使，副使王式爲右金吾衛將軍是也。若使副之孰文孰武，兩朝又頗不同。

宋初遣使，文武先後，並無定例。據後附四表，如開寶八年聘遼大使西上閣門使郝崇信乃武臣，副使太常丞呂端乃文臣。而同年賀遼主正旦大使校書郎直史館宋準則爲文臣，副使殿直邢文度則爲武臣。迨翌年賀遼主生辰大使東上閣門使田守奇復爲武臣，副使右贊善大夫房彥均復爲文臣。此在太平興國中尚然。洎澶淵盟後，制乃畫一：大使皆用文，副使皆用武，惟報哀使率以武人應選；百餘年間，相因不改。蓋中華爲禮義所從出，使者失言失儀，皆足辱國貽譏；而樽俎酬酢，應對周旋，文優於武，故大使一職，赳赳者遂漸無充數之望焉。

若遼則不然。其所遣者，大使少非武臣，副使乃多文吏。據後附四表，總四百餘次之交聘，以卿、監、尚書、詳穩、伊离畢、充大使者僅十餘人，以武職兼林牙充大使者，亦不過四十餘人，此可覘其國俗之尚武矣。

至使副官位高低，兩朝亦不一致；大體言之，遼所遣者，皆較宋使官高。據後附四表，遼之大使，最低者爲諸衛大將軍，諸州觀察使，第爲數甚少；最多者乃屬諸衛上將軍，各鎮節度使，甚

12. 江少虞皇朝事實類苑（民國五年武進董氏誦芬室叢刊本）77/10b，所引路振乘轡錄。

至伊离畢、樞密副使、或簽書樞密院事之執政大員亦有秉節出疆者。其副使資序，最低每不在諸司副使之下，大都為諸衛大將軍，諸州觀察、防禦、團練等使，大卿監，或少卿監帶館閣職事之流；間有派遣簽署樞密院公事、或節度使時，但僅一二見，並非常例。

宋之大使，多為郎中、員外郎、或少卿監等五六品官，低者至派校書郎、太常博士等七八品京職；若三四品之尚書、侍郎及以清貴著稱之翰林學士，雖偶亦奉使，但前後僅二十餘次，至兩府執政則未聞有入國者。其副使多為諸司使副兼閣門祇候或通事舍人之類，位高者亦不過為諸州刺史或團練使，若政和元年童貫以武康軍節度使為賀遼生辰副使，乃以別有所圖，故不惜破格也。

宋遼國際地位相等，宋以自居中朝，不欲遣大臣使‘虜’，惟使副官階過低，難免鄰封不滿，故‘凡…使人入蕃，必隨所居官小大加借以遣之…以…綏遠人。’¹³ 宋使副前後不下八百人，所假官階勢難一一考得，今略舉數例，以見一斑：

I 大使假官

1. 開寶八年，正旦使、祕書省校書郎直史館宋準假朝請大夫少府監¹⁴
2. 太平興國二年，正旦使、監察御史李瀆假太府卿¹⁵
3. 景德二年，正旦使、職方郎中直昭文館韓國華假祕書監¹⁶

13. 岳珂《愧鄭錄》（知不足齋叢書本）6/13b。岳氏謂此制乃自景德以來如此，大謬。考開寶初與遼通使，即有假官之制，不始自澶淵盟後也。

14. 宋會要稿 90/51/1a.

15. 同上 90/51/46b.

16. 尹洙《河南文集》（四部叢刊本）16/5a，韓公墓誌銘；宋會要稿 90/51/49a 誤作‘假祕書丞’。

4. 天禧元年,正旦使、太子中允直龍圖閣馮元假諫議大夫¹⁷
5. 天聖三年,正旦使、度支副使兵部郎中姜遵假太僕卿。¹⁸
6. 寶元元年,正旦使、右司諫直集賢院韓琦假太常少卿直昭文館。¹⁹
7. 慶曆元年,正旦使、權鹽鐵判官工部郎中張沔假諫議大夫。²⁰
8. 慶曆二年,生辰使、太常丞直集賢院張方平假起居舍人知制誥。²¹
9. 至和二年,賀登位使、翰林學士吏部郎中知制誥史館修撰歐陽修假右諫議大夫。²²
10. 元豐二年,生辰使、右正言知制誥李清臣假龍圖閣直學士。²³

II 副使假官告哀使附

1. 開寶八年,正旦副使、殿直邢文度假右衛率府率。²⁴
2. 太平興國二年,正旦副使、閣門祇候鄭偉假右千牛衛將軍。²⁵
3. 景德二年,正旦副使、衣庫副使兼通事舍人焦守節假西上閣門使。²⁶

17. 宋祁景文集(湖北先正遺書本) 62/7b 馮侍講行狀。

18. 景文集拾遺(湖北先正遺書本) 21/10a 姜副樞行狀。

19. 韓琦安陽集(乾隆四年安陽縣署刻本) 增忠獻韓魏王家傳 1/11b。

20. 劉敞公是集(武英殿聚珍本叢書本) 53/10b 張公墓誌銘。

21. 樂全集附錄 8a。

22. 歐陽修文忠全集(四部備要本) 附歐陽文忠年譜 6b。

23. 晁補之雞肋集(四部叢刊本) 62/20b 資政殿大學士李公行狀。

24. 宋會要稿 90/51/1a。

25. 同上 90/51/46b。

26. 同上 90/51/47a。

4. 景德二年, 生辰副使、右侍禁閣門祇候郭盛假西上閣門使。²⁷
5. 嘉祐三年, 弔慰副使、六宅副使雍規假六宅使榮州刺史。²⁸
6. 元豐八年, 遺留副使、內殿承制竇育假供備庫使。²⁹
7. 元祐八年, 遺留副使左藏庫使郝惟立假西上閣門使。³⁰
8. 乾興元年, 告哀使、崇儀副使薛貽廓假引進使。³¹

宋之官制, 有散官、職事官、檢校官、勳、爵之別, 遣使假官, 亦皆有之; 如景德二年賀遼太后生辰使副:³²

開封府推官太子中允直集賢院孫僅假金紫光祿大夫檢校左僕射衛尉卿上柱國樂安郡開國侯食邑一千二百戶爲契丹國母生辰使; 右侍禁閣門祇候康宗元假西上閣門副使金紫光祿大夫檢校兵部尚書兼御史大夫上柱國東平郡開國侯食邑一千戶副之。

金紫光祿大夫爲散官, 官名上冠檢校二字者爲檢校官, 衛尉卿及西上閣門副使爲職事官, 上柱國爲勳, 而開國侯則爲爵。又宋官有帶職及佩魚之制。職者館閣學士、直學士、待制、及校勘、校理之類, 皆爲文臣榮選。宋初遣使, 假官未必帶職。天聖四年, 孔道輔始請假官外, 各令兼帶本職;³³ 至元豐三年始明令‘文臣奉使元帶館職者並帶職。’³⁴ 若‘魚’乃章服一種。宋制: ‘自學士以上賜命帶者例不佩魚, ……奉使契丹……則佩,’³⁵

27. 宋會要稿 196/1/35a.

28. 同上 90/50/47b.

29. 同上 25/29/59b.

30. 同上 29/35/7a.

31. 同上 196/2/1a.

32. 同上 90/50/47a.

33. 續資治通鑑長編 104/26b.

34. 同上 307/17a.

35. 歐陽修歸田錄 (民國十五年上海涵芬樓排印本) 2/4b.

事已，乃與所假官爵階勳，一並去之。惟曾充國信使副之人，倘與南來遼使有所酬酢，若依原官相見，殊爲不便，故大中祥符二年有：³⁶

先充北朝國信使副……每有北朝人使到闕，並令依所借服色官位稱呼立班坐宴。

之詔。顧凡事日久未有不泄者。宋所遣使，原銜低於遼使官位，已不必言，即所假者亦不比遼使爲高。故熙寧六年，遼生辰使耶律寧等曾有煩言，並乞稍差高官。³⁷雖神宗當時有俯允所請之意，而由後附四表觀之，知並無若何更改也。

三 國書之體制

1 兩國君后之互相稱謂

國信使副必携本國君后致鄰邦君后之國書，以昭大信。國書中兩國君后相互之稱謂，前後不同。初通和時，遼致宋之國書，蓋於敘事之前冠以‘大契丹皇帝謹致書於大宋皇帝闕下’等字樣；而宋致遼之國書則冠以‘大宋皇帝謹致書於大契丹皇帝闕下’等字樣。當時國書雖已不存，惟由景德元年誓書³⁸及後日

36. 續資治通鑑長編 72/17b.

37. 同上 204/4b.

38. 據皇朝事實類苑 29/2a 所載，知景德和盟國書，實依太祖朝體制者。契丹國志 20/2a 復淵誓書，宋誓書冠辭爲‘惟景德元年，歲次甲辰，十二月庚辰朔，七日丙戌，大宋皇帝謹致書於[大]契丹皇帝闕下。’遼誓書冠辭爲‘惟統和二十二年，歲次甲辰，十二月庚辰朔，十二日辛卯，大契丹皇帝謹致書於大宋皇帝闕下。’又：景德初通聘使，曾以南朝北朝互稱，王曾力爭其非，後乃改正。迨皇祐四年，遼之國書又擅去國號，自稱北朝，而稱宋爲南朝，以爲如此方合兄弟之義；經宋駁復，始復依舊。事見：續資治通鑑長編 58/72b, 172/11a, 司馬光涑水紀聞（民國十五年上海涵芬樓排印本）逸文 1b, 王闢之澠水燕談錄（民國十五年上海涵芬樓排印本）2/2b, 及樂全集 39/33a, 韓綜纂誌錄。

國書，可窺知其相互稱呼，大致如是。迨景德以還，制乃稍變。

澶淵之盟，遼帝以兄禮事宋帝，於是後人遂多以為宋遼永為兄弟之國者。實則不盡然。攷兩朝繼統之君，由宋人著述，知係伯叔祖孫，昭穆相序，並非凡宋帝皆為兄，遼主皆為弟；其相互稱謂，乃以君王本身為單位，並非以國為單位者。而宋真宗之所以得為兄，乃因年齒較長之故，非遼自承國際地位不如宋，故爾自屈為弟也。李燾紀遼使之言曰：³⁹

嘉祐八年四月辛巳，命契丹賀乾元節使保靜軍節度使耶律穀等進書奠梓宮，……朝廷未知契丹主（按即道宗，時宋英宗方登位）之年。沅（周沅）從容雜他語以問。使者出不意，遽對以實。既而悔之，……曰，‘今復兄事南朝矣’。

由此可見，倘遼主年長於宋主，則必不肯甘心為弟。幸通盟以後，諸帝同行輩者，遼皆幼於宋，故宋常能保持‘兄’之地位，今列表於下，以明兩朝君王昭穆之序：

次第	宋 帝 (生卒依西曆)	遼 帝 (生卒依西曆)	次第
1	<u>真 宗</u> (968-1022)	<u>聖 宗</u> (971-1031)	1
2	<u>仁 宗</u> (1011-1063)	<u>興 宗</u> (1016-1055)	2
3	<u>英 宗</u> (1032-1067)	<u>道 宗</u> (1032-1101)	3
4	<u>神 宗</u> (1048-1085)		
5	<u>哲 宗</u> (1076-1100)		
	<u>徽 宗</u> (1082-1135)	<u>天祚</u> 皇帝 (1085-1128)	5

39. 續資治通鑑長編 198/7a.

表中次第數碼同者爲同行輩，數碼相差一者，爲伯侄或叔侄，差二者爲伯祖姪孫或叔祖姪孫。

據表：遼興宗於宋仁宗爲弟，故致仁宗書冠辭爲‘弟大契丹皇帝謹致書於兄大宋皇帝闕下。⁴⁰ 宋仁宗於遼道宗爲伯父，故致道宗書冠辭爲‘伯大宋皇帝致書於姪大契丹聖文神武睿孝皇帝闕下。⁴¹ 宋英宗於遼道宗爲兄，故致道宗書冠辭爲‘兄大宋皇帝致書於弟大契丹聖文神武睿孝皇帝闕下。⁴² 宋神宗於遼道宗爲姪，故致道宗書冠辭爲‘姪大宋皇帝謹致書於叔大遼聖文神武全功大略聰仁睿孝天祐皇帝闕下。⁴³ 宋哲宗於遼道宗爲姪孫，故致道宗書冠辭爲‘姪孫大宋皇帝謹致書於叔祖大遼聖文神武全功大略聰仁睿孝天祐皇帝闕下。⁴⁴ 遼道宗致宋仁英神哲四宗書，稱謂如何無文獻可徵，惟由宋諸帝致遼之國書，可推知其亦必自稱爲姪、爲弟、爲叔、爲叔祖，而稱宋帝爲伯、爲兄、爲侄、爲姪孫也。

以上乃就兩朝皇帝而言。若皇后、皇太后、或太皇太后亦有時通慶弔，國書上自應有適當稱謂。禮，叔嫂不通問，兄公與弟婦自更無通問可言。故兩朝帝后同行輩者，例不直接致書，即遣使，亦由皇帝轉達，⁴⁵其行輩長者，則依世俗之稱，如遼道宗

40. 契丹國志 20/3a 闕南誓書。

41. 王珪華陽集（武英殿聚珍板叢書本）19/1a，皇帝賀契丹正旦書。

42. 同上 19/2a，皇帝賀契丹皇帝正旦書。

43. 同上 19/4b，回大遼賀同天節書。

44. 蘇頌蘇魏公集（道光二十二年蘇氏刻本）26/8b，皇帝回大遼皇帝賀龍興節書。

45. 續資治通鑑長編 187/17a，嘉祐三年八月，‘辛卯…周湛爲契丹國母生辰使，…朝廷以契丹母（即興宗后，道宗母）上（指仁宗）弟婦行也，禮不通問，敕使者但遺書契丹，傳達禮物’。又龐元英文昌雜錄（雅雨堂叢書本）6/4a，‘太

母太后蕭氏於宋仁宗爲弟婦，於宋英宗爲叔母，於宋神宗爲叔祖母；故英宗致書冠辭爲‘姪大宋皇帝謹致書于婦大契丹慈懿仁和文惠純孝廣愛宗天皇太后闕下’，⁴⁶神宗致書冠辭爲‘姪孫大宋皇帝謹致書於叔祖母大遼慈懿仁和文惠純孝顯聖昭德廣愛宗天皇太后闕下’⁴⁷是也。至宋章獻明肅皇后（真宗后）與遼聖宗蕭后爲姒娣，其通聘時，國書上如何相稱，則不得知矣。

2 國書格式舉例

使節名目不一，國書措辭自異。惟格式，大致皆首段爲互相稱謂之冠辭，中段敘事，末段爲使副銜名；少有不同者。今分國書爲二類：曰致書，曰回書；各舉例以明之。

致書者，由本國使副携呈鄰邦君后之書也。又可分爲三種：一直接致書，即一國君后直接致鄰邦君后之書。如元祐中宋哲宗賀遼道宗正旦國書之式：⁴⁸

正月一日，姪孫大宋皇帝謹致書於叔祖大遼尊號皇帝闕下：歲曆更端，方春陽之發育；鄰邦繼好，宜壽祉之綏將。善頌所深，名言曷旣。今差左朝散大夫守祕書

【接】皇太后生辰，上節名曰坤成，有司檢故事，北朝當遣使。嘉祐二年虜母聽政，宗真（即遼興宗）之妻，於仁宗爲弟婦，即難通問。是時遣國信使即致書洪基（即遼道宗）云，“請侍次聞達”……當時以爲得禮。今洪基，英宗皇帝之弟也，於太皇太后亦難通問，朝廷方採用嘉祐故事，無以易焉。”

46. 華陽集 19/2b, 皇帝賀契丹皇太后正旦書。

47. 同上 19/4a, 回大遼皇太后賀同天節書。按當時對於稱謂頗有討論，或言自稱重姪而稱彼爲太母，後乃用姪孫叔祖母之稱，事見續資治通鑑長編 208/1b。

48. 范祖禹，范太史集（四庫全書珍本初集）30/15b 皇帝賀大遼皇帝正旦書。

少監上護軍河東縣開國男食邑三百戶賜紫金魚袋呂希績,供備庫使上騎都尉贊皇縣開國男食邑三百戶李世昌,充正旦國信使副。有少禮物,具諸別幅。專奉書陳賀,不次。謹白。

二曰轉達之書,即一國母后囑皇帝代致書鄰邦皇帝者,如元祐中宣仁聖烈太后崩,哲宗轉致遺留物與遼道宗國書之式:⁴⁹

十月一日,姪孫大宋皇帝謹致書於叔祖大遼尊號皇帝闕下:閔凶如昨,荼苦至深。奉慈幄之遺言,達寶鄰之永信,特馳使介,往致物儀。今差龍圖閣直學士左朝散大夫上護軍河東縣開國子食邑五百戶賜紫金魚袋呂陶,西京左藏庫副使兼閣門通事舍人上騎都尉太原縣開國伯食邑七百戶郝惟立充大行太皇太后遺留禮信使副。其禮物具諸別幅。專奉書,不次。謹白。

亦有一國皇帝致書鄰邦皇帝請代致意於其母后者,如嘉祐中宋仁宗請遼道宗代賀其母正旦書國之式:⁵⁰

伯大宋皇帝致書於姪大契丹尊號皇帝闕下:歲籥更端,物華蕃始,想極親闈之奉,舉迎邦祉之休。歡篤善鄰,禮申常聘,庶因晨夕,爲道誠悰。今差某官充皇太后正旦國信使副。有少禮物,具諸別幅。專奉書披述,不宣。白。

三曰附候之書,即遣使賀鄰邦帝或后時,附書致意於其后或帝。此種國書格式,一時難覓佳例,暫請闕疑。

回書者,由來使携回呈其君后之書也。亦可分爲三種:一曰

49. 同上 30/14b, 皇帝達大行太皇太后與大遼皇帝遺留物書。

50. 華陽集 19/1b, 皇帝請契丹皇帝達皇太后正旦禮物書。

直接回書，即一國君后直接回謝鄰邦君后之書。如嘉祐中仁宗回謝遼道宗遣使賀生辰書之式：⁵¹

伯大宋皇帝致書於姪大契丹尊號皇帝闕下：乾陽正月，紀茲載誕之辰；隣聘修歡，貺以千齡之祝。書言既緝，禮幣兼豐，感著之私，敷陳罔罄。今彰聖軍節度使蕭供等回，專奉書陳謝，不宜。白。

二曰轉達回書，即一國母后囑皇帝代回謝鄰邦皇帝之書。如元祐中宣仁聖烈太后囑哲宗代謝遼道宗遣使賀生辰書之式：⁵²

姪孫大宋皇帝謹致書於叔祖大遼尊號皇帝闕下：執炬乘時，遘親闈之誕日；占書講信，欽鄰國之彝儀。已恭達於慈顏，俾復修於報禮，其爲感懌，未易敷宣。今差保靜軍節度使蕭寅等回，專奉書陳謝，不宜。謹白。

亦有一國皇帝回書鄰邦皇帝請代致謝於其母后者。如嘉祐中仁宗回遼道宗請代謝其母后遣使賀生辰書之式：⁵³

伯大宋皇帝致書於姪大契丹尊號皇帝闕下：壽節屆期，鄰歡惇契，仍導柔慈之旨，過申延祝之言。兼厚物容，用增刻著，顯希侍次，達此悰誠。今左監門衛上將軍耶律偁等回，專奉書陳謝，不宜。白。

三曰回附候書，即得鄰邦帝后附帶問候時，所致答謝之書。如元祐中遼道宗遣使賀宋宣仁聖烈太后生辰，附書問候哲宗，其回書式：⁵⁴

51. 歐陽文忠全集 87/3b 皇帝回契丹皇帝賀乾元節書。

52. 蘇魏公文集 26/7a, 皇帝達太皇太后回大遼皇帝賀坤成節書。

53. 歐陽文忠全集 87/3b, 皇帝回契丹皇帝達皇太后賀乾元節書。

54. 蘇魏公文集 26/7b, 皇帝回大遼皇帝問候書。